

ԲԱՂԵՇ ՔԱՂԱՔԸ ԵՎ ՆՐԱ ԵԿԵՂԵՑԻՆԵՐԸ

Դ. Գ. ԿԵՐՏՄԵՆՋՅԱՆ

Արևմտյան Հայաստանի ճարտարապետական հուշարձաններին նվիրված ուսումնասիրություններում մասամբ լուսաբանվել են արտաքաղաքային շենքերն ու համալիրները: Քաղաքային հուշարձանները, հակառակ գոյություն ունեցող բավարար մատենագրական և տեղագրական նյութերի, որոնք հնարավորություն են տալիս պատկերացում կազմելու նրանց ճարտարապետական որոշ հարցերի մասին, հանգամանալից չեն ուսումնասիրված: Ուստի քաղաքաշինական տարրերին (միջնաբերդ, բերդաքաղաք, առևտրահասարակական կենտրոն, քաղաքադարպասներ, արվարձաններ և թաղամասեր) ու ճարտարապետական հուշարձաններին վերաբերող նյութերի համադրումը և քաղաքի կառուցապատման վերլուծության խորքով նրանց գիտական մեկնաբանությունը կարևոր նշանակություն ունեն:

Ահա այդ առումով առանձնահատուկ հետաքրքրություն են ներկայացնում Բաղեշ քաղաքը և նրա բազմաթիվ եկեղեցիները, որոնց և նվիրված է սույն հոդվածը:

Բաղեշ քաղաքին և նրա եկեղեցական հուշարձաններին հակիրճ կերպով անդրադարձել են Հայաստանով անցնող հայ և օտար ճանապարհորդների մեծ մասը, որոնց հաղորդումները ամփոփվել են Ղ. Ինճիճյանի¹, Ղ. Ալիշանի², Ս. էփրիկյանի³, Մ. Հովհաննեսյանի⁴ աշխատություններում և «Հայկական սովետական հանրագիտարանում»⁵ ու «Հայաստանի և հարակից շրջանների տեղանունների բառարանում»⁶:

Բաղեշ քաղաքին և նրա հուշարձաններին մասնագիտական տարբեր տեսանկյուններից անդրադարձել են մի շարք գիտնականներ: Ա. Գարրիելը⁷ փորձում է մեկնաբանել բնակավայրի կազմավորումը առանց ընդգրկելու հայկական աղբյուրների տվյալներն ու քաղաքի հայկական հուշարձանները, որը և նրա աշխատության հիմնական թերությունն է: Հ. Ոսկյանը⁸ «Վան-Վասպուրականի վանքերը» աշխատությունում «Սալնաձոր Բաղեշի վանքերը» ենթավերնագրի տակ ի մի է բերում տարածքի պաշտամունքային հուշարձանների որոշ մասը, այդ թվում վեց քաղաքային եկեղեցիներ: Ն. Ակինյանի⁹ «Բաղեշի դպրոցը» աշխատությունը օժանդակում է ըմբռնել Բաղեշի եկեղեցական հուշարձանների ճարտարապետական բովանդակության հարցե-

1 Ղ. Ինճիճյան. Ստորագրություն Հին Հայաստանեայց. Վենետիկ, 1822, էջ 123—124: Նույնի՝ Աշխարհագրութիւն շորից մասանց աշխարհի, հ. Ա, Վենետիկ, 1806, էջ 171—179:

2 Ղ. Ալիշան. Տեղագիր Հայոց Մեծաց. Վենետիկ, 1856, էջ 44—45:

3 Ս. էփրիկյան. Պատկերազարդ բնաշխարհիկ բառարան Հայաստանի, հ. 1, Վենետիկ, 1902, էջ 361—367:

4 Մ. Հովհաննեսյան. Հայաստանի բերդերը. Վենետիկ, 1970, էջ 160—165:

5 Հայկական սովետական հանրագիտարան, հ. 2, Երևան, 1976, էջ 254—256:

6 Հայաստանի և հարակից շրջանների տեղանունների բառարան. հ. 1, Երևան, 1986, էջ 537:

7 A. Gabriel. Voyages archéologiques dans le Turquie Orientale. T. 1, Paris, 1940, p. 236—240.

8 Հ. Ոսկյան. Վան-Վասպուրականի վանքերը, հ. Գ, Վիեննա, 1947, էջ 895—943:

9 Ն. Ակինյան. Բաղեշի դպրոցը. Վիեննա, 1952:

րը. մինչդեռ Գ. Գուդվինը¹⁰ մեկնաբանում է քաղաքի միայն մահմեդական հուշարձանները, առանց նշելու նրանց գերակշռող մասի հայկական եկեղեցիներից վերափոխված լինելու հանգամանքը: Հ. Մանանդյանը¹¹ որոշ չափով անդրադառնում է Բաղեշի առևտրական նշանակությանը, իսկ Բ. Ն. Առաքելյանը¹² արհեստագործական կարևորությանը: Հ. Մանանդյանի համեմատությամբ Թ. Խ. Հակոբյանը¹³ ավելի խորը և հանգամանալից է անդրադառնում Բաղեշին: Թուրքական հրատարակություններից առանձնապես նշելի են «Իսլամ»¹⁴ և «Յուրտ»¹⁵ հանրագիտարանների հաղորդած պատմական և ժամանակակից վիճակագրական աղավաղված տեղեկությունները, որտեղ ոչ մի հայկական ճարտարապետական հուշարձանի մասին խոսք անգամ չկա: «Հայկական ճարտարապետության հուշարձանները»¹⁶ խորագրով հրատարակված միկրոթապավենների շարքում կան կարևոր տեղեկություններ Բաղեշում և նրա մերձակայքում դեռևս գոյատևող հայկական հուշարձանների բեկորների մասին: Բաղեշի ուսումնասիրության կապակցությամբ բարձր գնահատության են արժանի Թ. Ա. Սինկլերի¹⁷ հրատարակած քաղաքի միջնաբերդի չափագրությունն ու որոշ աշխարհիկ և պաշտամունքային շենքերի մասին հակիրճ տեղեկություններ բովանդակող ցուցակը:

Սույն հոդվածում ի մի են բերվում վերոհիշյալ և այլ հեղինակների հաղորդած տեղեկությունները: Առաջին անգամ կազմվում է Բաղեշի քաղաքաշինական ամբողջական պատկերը և սահմանվում նրանում հայկական եկեղեցիների ու վանքերի տեղը: Նկատի ունենալով, որ խնդրո առարկա հուշարձանները ներկայումս առհասարակ անհետացել են կամ օգտագործվում են որպես մզկիթ, ստորև, ըստ տեղագրական նյութերի ընձեռած հնարավորության, կատարվում է նրանց ճարտարապետական փաստագրումն ու մեկնաբանությունը և արտացոլումը հայկական ճարտարապետական հուշարձանների դասակարգման մեջ:

Բաղեշ քաղաքը Սալնաձորի գլխավոր բնակավայրն էր: Տարածքը դարպասանման (պորտիլա) ձգվում էր Տավրոսբերանի, Աղձնիքի, Մոկքի և Վասպուրականի նահանգներին պատկանող մի քանի գավառների սահմանագլուխների հանդիպման վայրում: Երկրամասն իր ունեցած առևտրական և ռազմական կարևորության պատճառով որոշ հեղինակների կողմից անվանվում է «Ձորապահակ»: Քաղաքի աշխարհագրական նիշերն են՝ հյուսիսային լայնություն 38° 20' և արևելյան երկարություն 42° 5', ծ. մ. բարձրությունը մոտ 1450—1460 մ:

Բաղեշ քաղաքը հայ մատենագրության մեջ առաջին անգամ հիշատակվում է Փավստոս Բուզանդի (V դար) մոտ «Բառաէջ» աղճատված ձևով¹⁸: Անանիա Շիրակացին և Սեբեոսը (VII դար) նշում են «Բերդն Բաղիշոյ»: Մինչդեռ Թովմա Արծրունին (IX—X դդ.) հիշատակում է այն «Շահաստա»: Բաղաղէջ»: Հոնական աղբյուրներում այն հանդիպում է Balales, արաբ աշ-

¹⁰ G. Goodwin. A history of Ottoman architecture. London, 1971, p. 307—310.

¹¹ Հ. Մանանդյան. Հայաստանի քաղաքները X—XI դարերում. Երևան, 1940: և ուրիշ խմբ. «О торговле и городах Армении в связи с мировой торговлей древних времен. Ереван», 1954. Թե՛ս Երկեր, Գ. 2, Երևան, 1985, էջ 135, 157, 167, 168:

¹² Բ. Ն. Առաքելյան. Արհեստները և քաղաքները Հայաստանում IX—XIII դարերում. Գ. 1, Երևան, 1958, էջ 104 և Գ. 2, Երևան, 1964, էջ 109:

¹³ Թ. Խ. Հակոբյան. Հայաստանի պատմական աշխարհագրություն. Երևան, 1968, էջ 284, 292—295, 397—400 և այլն:

¹⁴ Islam Ansiklopedisi, c. 2, Ist. 1944, s. 657—664.

¹⁵ Yürü Ansiklopedisi, c. 2, Ist. 1982, s. 1378—1444.

¹⁶ Monuments of Armenian architecture, Rensselaer polytechnic inst., Troy N. Y., vol. 6, 1986, Mf—82 & 83.

¹⁷ T. A. Sinclair. Eastern Turkey—An architectural and archaeological survey. Vol. 1, London, 1987, p. 297—311.

¹⁸ Փավստոս Բուզանդ. Պատմություն Հայոց. Վենետիկ. 1933, էջ 43:

խարհագիրների մոտ Badlis և ավելի ուշ զանազան ճանապարհորդների երկերում Bitlis¹⁹,

Քաղաքի հիմնադրման մասին պատմական տեղեկությունները հստակ չեն: Հնագույն աղբյուրներից կարելի է եզրակացնել, որ Բաղնիքը հիմնադրվել կամ վերահիմնադրվել է ուրարտացիների կողմից մ. թ. ա. 700-ական թթ.: Անտիկ դարերում Բաղնիքը Հայաստանի արքունական մայրուղու կարևոր հանգուցակետներից է եղել և կարծիք կա, որ մինչև միջնադարը գրավվել է հռոմեացիների կողմից²⁰, որոնք, ինչպես Արզնում, Նիզանում, Մոկսում, այստեղ էս, ենթադրվում է, շինարարական գործունեություն են ծավալել հատկապես բերդատակի անմիջական տարածքներում: Այս վարկածը նշող հեղինակի գործում տպագրվել է XVI դարում կատարված, ուղղանկյուն պարագծով բերդաքաղաք պատկերող մի փորագրանկար, որը, թեև հակադրելի է քաղաքի միջնադարյան կառուցապատմանը, իր համեմատական գծերն ունի, սակայն, Արզնի²¹, Թեոդոսուպոլսի²², Նիզանի և Մոկսի²³, այդ թվում նաև ուրարտական համարվող Զառնակիի և Ազնավուրի²⁴ հետ: Ինչևէ, պարզորոշ է բնակավայրի կառուցապատման հիմքում ուրարտական և անտիկ ավանդների առկայությունը²⁵:

Հայկական մատենագրության համաձայն, Բաղնիքը վաղ միջնադարյան ամրոց կամ ամրոցավաններից էր, որը IX—XI դդ. քաղաքանում է և ընդարձակվում²⁶: Հետագա դարերում Բաղնիքը մնում է Հայաստանի տասը կարևորագույն քաղաքների կազմում, որը 1915 թ. Մեծ եղեռնին լիովին հայաթափվում է: Այժմ երկրորդական քաղաք է, որի հայեցի հուշարձանները ամբողջությամբ նենգաբար քանդվել են կամ վերափոխվել են այլ կառույցների²⁷:

Քաղաքի տեղանքը պատկերավոր կերպով նկարագրել է Հ. Լինչը. «Տիգրիսից հոսող երկու գետակներ ձևավորում են քաղաքատարածքը: Բնակավայրը իր ձևով հիշեցնում է Նեշափառի ուրգագիծը, որտեղ հնամենի ամրոցն ու բերդաքաղաքը մարմինն են, իսկ տարբեր ուղղություններով երկաթե գետերը՝ մարմնի անդամները: Քաղաքը շատ հին է, որն, ըստ տեղի բնակիչների պատմած ավանդապատման, ջրհեղեղից մի քանի տարի հետո է հիմնադրվել»²⁸: Իրոք, Բաղնիքի տեղանքը Տավրոսյան լեռների երեք ձորերի

¹⁹ Հ. Հյուբերշաման. Հայոց տեղանք անունները. Վիեննա, 1907, էջ 187. հմտ. Jacut. Mu'jam ul Buldan. Leipzig, 1924, p. 529.

²⁰ Pars Tuglaçlı (Բարսեղ Թուղլաջյան). Osmanlı Şehirleri, İstanbul, 1985, s. 57.

²¹ H. Kiepert. Über die Lage der Armenischen Haupt-Stadt Tigranokerta. Berlin, 1873—see Karten von Arzen nach consul Taylor.

²² Գ. Կերոմենչյան. Վաղ միջնադարյան Հայաստանի քաղաքներու առևտրահասարակական կեդրոններու քաղաքաշինական և ճարտարապետական առանձնահատկությունները. «Բաղնիք», 1985, № 1—2, էջ 110—112. հմտ. Մովսես Խորենացի. Պատմութիւն Հայոց, աշխատութեամբ Մ. Արեղեան և Ս. Ցարովիչեան. Տիգրիս, 1913, էջ 338—339, Գ. Չարբը. Կարինապատմ. Պէյրուս, 1965, էջ 59:

²³ T. A. Sinclair. Eastern Turkey—An architectural and archaeological survey, vol. 1, pp. 232, 236.


²⁴ Ch. Burney & G. Lawson. Measured plans of Urartian towns.—Anatolian Studies, vol. 10, 1960, pp. 183, 185—186, 193.

²⁵ Comp. H. F. B. Lynch. Armenia, travels and studies. Vol. 11, London, 1901, p. 150; J. Shiel. Journey from Tabriz, Through Kurdistan, via Van, Bitlis, etc.—Journal of Royal Geographical society, 1893, vol. VIII, p. 73.

²⁶ Բ. Ն. Առաքելյան. Քաղաքները և արհեստները Հայաստանում IX—XIII դարերում. հ. 1, էջ 104. հ. 2, էջ 109:

²⁷ Հայ տաղաքագր պատմություն, հ. 6, Երևան, 1981, էջ 553—555. հմտ. T. A. Sinclair, Op. cit., p. 258.

²⁸ H. F. B. Lynch. Op. cit., fronting p. 147.



64. 1

միացումից առաջացած 1,5—2 կմ լայնությամբ ձորահովիտ է։ Քաղաքը դա-
րավանդաձև դասավորությամբ ծավալվում է Բաղեջ գետի և նրա մի քանի
վտակների երկու կողմերում։ Ն. Սարգիսյանը հետևյալ ձևով է տեղագրում
քաղաքը՝ «Գետք երեք մտանեն ի մէջ քաղաքիս, առաջինն՝ ի ձորոյն Գոմաց,
որ և անցանէ առաջի Ամրտօյու մենաստանին, երկրորդն՝ ի ձորոյն Ժպոկորու,
և դրքա միանան առաջի բերդին, երրորդն՝ ի ձորոյն Աւելու, որ ի ներքնա-
կողմն նորին ձորոյ, որ հանէ ընդ ճանապարհ Կիւզէլ-տերէ կոչեցեալ գա-
ւառին»²⁹ (նկ. 1)։

Բաղեջի քաղաքաշինական գործարարական կազմը ուշ միջնադարյան
տվյալներով բաղկացած է եղել հիմնական շորս մասերից՝ ամրոց կամ միջ-
նաբերդ, առևտրական երկար փողոց, նրա շուրջ ծավալվող հին քաղաք և
առանձին թաղամասեր։

Միջնաբերդը բարձր ժայռազանգվածի ձևով գտնվել է Գոմաց և Մապու-
կոռի ձորերով դեպի հարավ ընթացող երկու գետերի միացման վայրից հյու-
սիս։ Ըստ Սինկլերի չափագրության և այլ արխիվային նյութերի³⁰, տեղում
գոյատևող համալիրը եռանկյունաձև մի հրվանդան է՝ գագաթը դեպի հյու-
սիս և հիմքը դեպի հարավ՝ հին քաղաքի կողմը։ Նուանկյունու արևմտյան և
հյուսիսային գագաթները հատած տեսք ունեն, մինչդեռ արևելյանն ուղ-
ղանկյունաձև է։ Միջնաբերդի պարագծերը համարյա հավասարա! ողմ է, կո-
ղային երկարությունը՝ 150 մ։ Նուանկյան սրունքները զուգահեռ են նրա
արևելյան և արևմտյան կողմերով հոսող գետերին, որոնք, միախառնվելով
բերդի ստորոտից 200 մ հարավ, քաղաքի կառուցապատումից առանձնաց-
նում են բերդաքաղաքի հնագույն հատվածը։ Համեմատաբար լավ են պահ-
պանված ամրոցի արևելյան և հարավային կողմերով կորագիծ ձգվող պա-
րսպապատերը, որոնց հիմքերը նստում են տների ետևը բարձրացող սլա-
ցիկ ժայռերի վրա։ Արևմտյան կողմի ժայռաբեկոր-պատմանդանի ցածր լի-
նելու պատճառով համապատասխան պարսպապատերն աստիճանաբար քանդ-
վել և գլորվել են դեպի գետափ։ Մուտքը հարավային կողմում է։ Բերդատա-
կով ձգվող թեք մի արահետ արևմուտքից արևելք ոլորապտույտ հասնում է
արևելյան գագաթի, հատակագծում սեղանաձև, պարսպապատ մուտքային
հանգույցի արևմտյան կողմում տեղադրված դարպասին։ Այդտեղից շրջա-
դարձային դրվածքով, երկու կողմերից պարսպապատ մոտ 30 աստիճաններ
առաջնորդում են դեպի միջնաբերդի ներքին տարածքը։ Պարսպապատերի
աշտարակները տարբեր տեղերում ունեն այլ հատակադժային-տարածական
ձևեր, որոնք տարբեր ժամանակաշրջաններում կատարված վերանորոգում-
ների արդյունք պետք է դիտել։ Պարիսպներն իրենց պարագծային լուծում-
ներով հարմարվում են բնական տեղանքին (նկ. 2, Դ)։

Ամրոցի ներքին տարածությունում ներկայումս մնացել են միայն հա-
րավ-արևմտյան անկյունի ապարանքի ավերակները և մի ջրամբար։ Հյուսի-
սային կողմում նախապես գտնվել են մթերանոցներն ու օժանդակ նշանա-
կության այլ սենյակները։ Ուշ միջնադարի սկզբներին միջնաբերդում ավելա-
ցել են քաղաքի պաշտոնեության բնակարանները։ Ամրոցի բարձրության
տարբերությունը բերդաքաղաքից 600 քայլաչափ է եղել, պարիսպները ունե-
ցել են 7 մ հաստությոն և մինչև 56 մ բարձրություն³¹։

Բաղեջ գետի արևելյան և արևմտյան ափերին ծավալվող թաղամասերի
դասավորությունը հիշեցնում է կանաչապատ ընդարձակ ամֆիթատրոն, որ-
տեղ բնմի կենտրոնում գտնվում է բարձր ա:մրոցը։ Հ. Լինչի և ավելի ուշ


²⁹ Ն. Սարգիսյան. Տեղագրությունը ի Փոքր և ի Մեծ Հայս. Վենետիկ, 1864, էջ 240—241։

³⁰ Քծագիրը տե՛ս T. A. Sinclair. Op. cit., p. 298, 300.

³¹ Օտար աղբյուրները Հայաստանի և հարևան երկրների մասին, հ. 4, էվլիա Զե-
լեբի, Երևան, 1964, էջ 197։

նաև Ա. Գաբրիելի³² կողմից հրատարակված քաղաքի հատակագծերում (նկ. 2, Ա և Բ) պարզորոշ կերպով ընկալվում են Բաղնշում երկու տարբեր խտությամբ կառուցապատված գոտիներ: Դրանցից առաջինը խիտ կառուցապատված քաղաքի հնագույն մասն է, իսկ մյուսը՝ կանաչների մեջ թաղված մենատներով կառուցապատված տարածությունը:

Հին Բաղաֆն ունեցել է 1—0,8 կմ² տարածություն³³ և մինչև XIII—XIV դդ. դեռևս պատված է եղել կիսաքանդ պարիսպներով³⁴: XIX դարի դրությամբ փողոցների ցանցը անկանոն է: Փողոցները կորագծային պտույտներով, միջնադարյան անկանոն ձևի հրապարակները կապելով բերդատակի հատվածին, նրբանցքներով միացել են ձախ գետեզրով ձգվող պողոտային, որի վրա եղել են 11 փայտաշեն և բալաշեն կամուրջներ³⁵: Բնակելի տները ամենուրեք ունեցել են դարավանդաձև դասավորություն, իսկ արվարձանային մասերում՝ մենատների կետային օրինաչափ տեղարարչում:



Նկ. 2

Հին քաղաքի պարագծով, հիմնական փողոցների սկզբնամասերում մինչև վերջին ժամանակները պահպանված են եղել Վանա (հավանաբար Մապրուկոսի թաղամասի հյուսիս-արևելյան կողմում դեպի Վան տանող ճանապարհի սկզբում), կերպասավաճառների, Արարու շուկայի, Ամիրու շուկայի (դեպի Ամիրու բերդի կողմը՝ քաղաքի հարավ-արևելյան ուղղությամբ), պտղավաճառների և Օրդուն կամ Գաղտան դարպասները: Հիշատակված դարպասների տեղերը աղբյուրներում չեն նշվել, այնուամենայնիվ դրանց քանակը ցույց է տալիս, որ առևտրահասարակական համալիրն ունեցել է շառավղաշրջանային հովհարաձև հորինվածք, որի հայտնի զուգահեռներից է Անի քաղաքի կենտրոնի համալիրը:

Բաղնշ Բաղաֆի առևտրաճառարակա կան կենտրոնը (նկ. 2, Գ) սկզբնա-

³² H. F. B. Lynch. Op. cit., fronting p. 147. A. Gabriel. Voyages archéologiques dans la Turquie orientale. T. I. p. 237.

³³ H. F. B. Lynch. Op. cit., fronting p. 147. հմմտ. էջիկ = Ձեկերի, էջ 106 207.

³⁴ Abu-l-Fida. Taqim ul Buidan. Liden, 1878, p. 351.

³⁵ T. A. Sinclair. Op. cit., p. 298.

վորվել է անմիջապես հարավային բերդատակում և համապատասխան կարգով զարգացել դեպի դիսավոր պողոտան ու նշված քաղաքադարպասները, բացի Սրղունից (Գաղտուց), որը, ինչպես ցույց է տալիս անունը, հատկացված էր միջնաբերդին սպասարկելու համար: Քաղաքն այցելող էվլիա Չելեբին 1655 թ. հիշատակում է 9 կարավանատուն, 1200 խանութներ, խուսրև փաշայի և «Կաբբանի» շուկաները և մի խաղախորդարան³⁶: Ունեցով բազմաթիվ կամուրջների և դարպասների առկայությունից կարելի է ենթադրել, որ կենտրոնը ունեցել է ամֆիթատրոնի կառուցվածք, ինչպիսին հանդիպում է Կարինում կամ Կապադոկիան Կեսարիայում: Բերդատակի Գյոթ կամ կապույտ կոշվող գլխավոր հրապարակը, որտեղ մինչ օրս արևելյան կողմում մնում է XII դարի կեսերին մզկիթի վերածված եկեղեցին³⁷, սկզբնավորում էր կենտրոնի տվյալ հորինվածքը: Փաստորեն Բաղեշի առևտրահասարակական կենտրոնը շտապված և արտաքինից կորագծով կապում էր ներված դարպասամբձ հրապարակ-շուկաները, որոնք հարավային կողմից ավարտվում էին Ավեր կամ էվել մեյդանով: Ճանապարհորդական տեղեկությունների համաձայն Բաղեշում առևտրահասարակական կենտրոնի շուրջ եղել են 17-ից ավելի թաղամասեր, դրանցից կարևորագույններն են՝ Տաշ, Գյոթ, Սապկոր, Կարմիր (Կրզըլ), Ջեյդան, Գոմուս կամ Գոմոց և այլն՝ փոխված անուններով հիշատակվածները³⁸:

Վերևում արծարծված քաղաքաշինական մանրամասնությունները ցույց են տալիս, որ մինչև սելջուկյան ասպատակումները Բաղեշը Հայաստանի լիարժեք քաղաքաշինական համակարգ ունեցող ոչ մեծ քաղաքներից է եղել, ինչպես Ոստանն է, Մուշը, Մանազկերտը, Արծկեն, Արճեշը, Դարուլնքը և այլն: Համապատասխանաբար այն կառուցապատված է եղել բազմաթիվ հայեցի շինություններով, վանքերով և եկեղեցիներով:

Պատմական տվյալների համաձայն Բաղեշ քաղաքում եղել են Կարմրակ ս. Նշան, Ս. Սարգիս, Հինգ խորան, Ս. Գևորգ եկեղեցիները և Ամրատլու, Գոմոց ս. Աստվածածնի, Ավեսու ս. Աստվածածնի, Խնդրակատար ս. Աստվածածնի վանքերը: Նշվածներին կարելի է ավելացնել նաև մզկիթի վերածված Մայր տաճարը, Ամրատլի մերձակա Ս. Սիմեոնը, քաղաքի արևելյան բարձունքի վրա տեղադրված Ս. Գևորգը, «շաբաթացած» ս. Անանիան, Շեխսի և Ս. Սիոնի եկեղեցիները, մի մատուռով գոյատևող Մապուկուսի ս. Կաթողիկոսը³⁹:

Կարմրակ ս. Նշան կամ Ս. Կիրակոս եկեղեցու անվանումն առնչվում է ս. Խաչի մասունքի, ս. Կիրակոսի նշխարների և շենքի տանիքի կղմինդը-քապատ լինելու հետ: Հուշարձանի հնություն և կարևորության մասին վկայում է շրջակա թաղամասի մինչև օրս Կարմրակ (Կրզըլ) անվանումը: Կարմրակ ս. Նշանը արտաքինից ուղղանկյուն, փոքր զմբեթավոր տաճար է: Եկեղեցու ծածկի երկթեք կտուրների համադրումից կազմված խաչաձև հորինվածքը մզկիթի վերափոխելիս քանդվել և հարթեցվել է: Տանիքային համակարգից անաղարտ պահպանվել է արտաքուստ և ներքուստ կորագծային պարագիծ ունեցող, թմբուկ և վեղար համակարգով զմբեթը (նկ. 3, Բ):

Բաղեշի գլխավոր եկեղեցին, ինչպես տարոն-վասպուրականյան մի շարք քաղաքների (Վան, Ոստան, Մուշ, Մանազկերտ, Խլաթ, Արծկեն) մայր եկեղեցիները, XII—XIII դդ. վերածվել է մզկիթի⁴⁰: Հուշարձանը Շերեֆիյե անունով գտնվում է Կարմրակ ս. Նշանից մի փոքր հարավ: Նկատի ունենալով, որ եկեղեցու հատակագծային հորինվածքը մեծ փոփոխությունների չի

³⁶ էվլիա Չելեբի, էջ 200:

³⁷ Ս. էփրիկյան. նշվ. աշխ., էջ 363:

³⁸ H. P. B. Lynch. Op. cit., pp. 143—149. հմտ. էվլիա Չելեբի, էջ 200—201:

³⁹ Ն. Սարգիսյան. նշվ. աշխ., էջ 341—342. հմտ. Հ. Ոսկյան. նշվ. աշխ., հ. Գ, էջ 895—846:

⁴⁰ T. A. Sinclair. Op. cit., p. 3.6. Comp. Pars Tuglaci. Op. cit., s. 58.

ենթարկվել, ստորև, տեղում եղած շինության հիման վրա բնորոշվում է նրա ճարտարապետական տիպը:

Համաձայն Հ. Լինչի հաղորդած տվյալների, Բաղեշի Մայր տաճարը եռանավ, հինգ սրահանի հորինվածք է: Այսինքն՝ կենտրոնական վեց սյուներով բազիլիկ տիպի եկեղեցի է: Սրա արևելյան պատը վերափոխելիս ա. բողջության քանդվել է և խորանային մասն ու ավանդատները հեռացվել են: Ինչպես հասկացվում է եղած նկարագրությունից, հուշարձանը ներքոստ ունեցել է կամարակապ լուծում⁴¹: Համաձայն սրբավայրի քաղաքաշինական տեղի, նրա հիմնադրությունը վերագրելի է վաղ միջնադարյան ժա. տնական-րին և որպես այդպիսին համեմատական է հորինվածքի առումով՝ Վանի Հայկավանքի և Ոստանի բերդատակի (նույնպես Դզիթի վերածված) եկեղեցիների հետ⁴²:

Ս. Գեորգ Զորավարի կամ Ս. Անանիայի վանքը (եկեղեցին). «Շինվեր է Ամրդուի սբ. Հովհաննես վանքի մոտերը: Բավական երկար ժամանակն է վեր շաքաթացած: Անոր հովանիին տակ 1418 թ. Մկրտիչ սարկավազ Հայսմափուն կը գրե և 1575 կը գրվի Ավետարան մը: Համաձայն այլ հաղորդման այն մի փոքր հարավ էր Ամրդու վանքից⁴³, նշված երկու տեղեկությունները թույլ են տալիս միայն որոշել, որ Ս. Անանիան գտնվում էր դեպի Ավեր հրապարակի կողմը, դեպի առևտրահասարակական կենտրոնը:

Ս. Սարգիս և Հինգ խորան հանդիպակաց եկեղեցիների տեղը քաղաքի տարածքում հայտնի չէ: Գոյություն ունեցող տեղեկությունները սույն ուսումնասիրության համար կարևոր է, որ Ս. Սարգիսը գավիթ-տաճար տիպի հորինվածք է եղել, իսկ մյուսը՝ հինգ խորանով առանձին Խաչքանդ եկեղեցի⁴⁴:

Ս. Կղեմեսի և Ս. Սիմեոնի եկեղեցիները XII—XV դդ. մզկիթի վերածված հուշարձաններից են⁴⁵: Նրանք միասնաբար գտնվել են Ամրդու վանքից հյուսիս՝ դեպի Գոմոց վանք երկարող թաղամասերի տարածքում: Ուշագրավ է, որ վերջին տարիների դաշտային դիտումներով նշված տարածքում եղած մեկ տասնյակի հասնող մզկիթների գերակշռող մասը եկեղեցուց է վերափոխված. դրանք միանավ, երկսրահ տիպի հուշարձաններ են և շուրջ մզկիթին բնորոշ հատակագծային հորինվածք: Վերջիններից իր երկհարկ հորինվածքով առանձնանում է Շեյխ Հասանի մզկիթ-դամբարանը, որի տեղը ըստ տեղագրական նյութերի կարելի է նույնացնել Ս. Կղեմեսի և Ս. Սիմեոնի հետ: Թ. Ա. Սինկլերը հաղորդում է. «Միջնաբերդից մոտ 1 կմ հեռավորությանը դեպի խորով-չալի արևելյան ափը և գետերի միացման հանգույցից 150 մ արևմուտք, սարալանջի վրա գտնվում է Շեյխ Հասանի մզկիթը»⁴⁶: Որոշ մասնագետներ շենքը համարում են օսմանյան ժամանակներում՝ 1725 թ. հիմնադրված մզկիթ: Մինչդեռ այն առանց փոփոխության մզկիթի է վերափոխվել տեղում գոյություն ունեցած եկեղեցուց, հավանաբար դեռևս XVI դարում կամ ամենաուշը XVII դարում, իսկ 1725-ին ուղղակի վերածվել է երկհարկ հուղարկավորական տաճարի (տյուրքեյի): Տվյալ նորացումը կատարվել է այնպես, որ գոյություն ունեցող եկեղեցին վերածվել է հուղարկավորական սենյակի, իսկ վերին իբրև թե նոր մասը կառուցվել է որպես մզկիթ: Գոյատևող հուղարկավորական սենյակում, հակառակ կատարված վերափոխումների, դեռևս ընկալելի է եկեղեցու հատակագծային հորինվածքը: Այն արտաքինից ձգված հարաբերությամբ ուղղանկյունի է, դահլիճն արևելյան

⁴¹ H. F. R. Lynch. Op. cit. p. 152.

⁴² Comp. ibid. pp. 101—102, 125.

⁴³ Հ. Լեւոնյան. նշվ. աշխ., հ. Գ, էջ 914.

⁴⁴ Ա. Էփրիկյան. Պատկերազարդ բնաշխարհիկ բառարան. հ. Ա, էջ 363.

⁴⁵ Ն. Սարգիսյան. նշվ. աշխ., էջ 242. հմտ. Ղ. Ինճիճյան. Աշխարհազրույթի շրիթ մասանց աշխարհի, հ. Ա, էջ 173:

⁴⁶ T. A. Sinclair. Op. cit. p. 337.

կողմից վերջավորվում է Լրկու երկհարկ ավանդատներով և կենտրոնական խորանով: Դահլիճի հարավային պատին ավելացվել է միհրաբը, իսկ սրբամբայան կողմում չորս փայտյա սյուներով զավթի վերածվել է մի շարք սենյակների, որոնք կիսավեր վիճակում մինչև օրս պահպանվել են: Սենյակներից մեկում համատեղվել է վերին հարկ տանող սանդղավանդակը: Ուշագրավ է այն, որ հուղարկավորական սենյակի հորինվածքը նույնությամբ կրկնվել է վերին հարկում և արևմտյան կողմում հավելվել է երկու սենյակ ևս: Նման փաստի տոկայությունը ցույց է տալիս, որ 1725 թ. հավելումը վերաբերում է միայն արևմտյան սենյակներին, հենց դրանք էլ մինչև օրս ծառայում են որպես աղոթատեղի, իսկ բուն դահլիճը վերածվել է պահեստի⁴⁷: Հետևաբար տվյալ հուղարձանը երկհարկ դամբարան եկեղեցու տիպի կառույց է, որի ղուգահեռները Հայաստանում հանդիպում են XIII—XIV դդ.⁴⁸:

Դժվար է պնդել, որ Շեյխ Հասանի նկարագրված հուղարձանը դա նույն Ս. Կղեմեսի և Ս. Սիմեոնի եկեղեցիներից կազմված համալիրն է, թեև ուղեւորանք գտնված վայրը քաղաքի կազմում համարյա համընկնում է (տե՛ս նկ. 2, Գ): Բայց տվյալ իրողությունն առկայությունը ցույց է տալիս, որ երկհարկ դամբարան-եկեղեցի տիպի հորինվածքները Բաղեղում կային և հնարավոր է նման լուծում ունենար Ս. Կղեմեսից և Ս. Սիմեոնից կազմված համալիրը. առանց բացառելու երկու եկեղեցիների հարակցման այլ տարբերակների հնարավորությունը, ինչպիսին են Վանա Ս. Սիոն և Տարոն-Վասպուրականում լայն տարածում ունեցած գուլգ եկեղեցիներից կազմված (Վանա Ս. Սահակ և Ս. Ստեփանոս, Ս. Պողոս և Ս. Պետրոս, Սորա Ս. Քրիստափոր, Գանձակա Ս. Աստվածածին, Նաբեկա, Իլու և այլ վանքերը) հորինվածքները:

Ամբողջությամբ Ամրոգով Ս. Հովհաննես Մկրտիչ վանքի կողմից է նաև Ս. Հովհաննեսի վանք: Համաձայն Կոլոտ պատրիարք Կյուլեսբյանի նկարագրության՝ «վանքը կը բարձրանա «Վիմածիլ» բլուրին գագաթը: Արևելյան կողմեն սահմանավորեալ արեգնածագ կողմամբ զարմանաշատ աղբերակօք կարկաշատիս և ծաղկապաճոյճ փոքր պատիղի»: Արևմտյան հարավային կողմեն «ծիծաղածավալ երկրաշափու վիմաբուղի հորդ ընթացի գետով և թեկնաթեկ հեղաքայլ առվի, ոլորախաղացեալ առ հարավով, գեղավորեալ ծառատնկօք պտղավետիւր»: Իսկ հյուսիսային կողմեն՝ «բարձրաբերձ տամբք քրիստոնեից հպավորեալ շիրիմիս հավատացյալ ննչեցելոց»⁴⁹: Մի այլ արտահայտությամբ վանքի տեղը սահմանվում է այսպես. «Վանքը հիմնված է Բաղեղ քաղաքին հարավային ծայրը լեռնաձորի մը կուտակումի մեջ և օժտրված գեղեցիկ դիրքով մը»⁵⁰: Ուստի Ամրոգով վանքը գտնվել է Բաղեղի հարավային Ավեր հրապարակից հյուսիս-արևմուտք, Բաղեղ և Զեյդան (համանուն թաղամասում) գետերի հանդիպման վայրից վերև: Տեղագրված է քաղաքի բոլոր կողմերից տեսանելի՝ համանուն թաղամասից դեպի Գոմոց սահմանները երկարող բարձունքի վրա:

Ավանդապատումը վանքի հիմնադրումը վերագրում է «Ի հին և ի վաղեմի ժամանակաց կայր դասատուն վարդապետաց ի քաղաքն Բաղեղ ի վանքն, որուն անուն Ամրտօլու ասեն»⁵¹:

⁴⁷ См.р. Т. А. Sinclair, ibid & P. Tuglaci. Op. cit., p. 59.

⁴⁸ Այդ մասին տե՛ս В. М. Арутюнян. Каменная летопись Армянского народа. Ереван, 1985, с. 77, նաև՝ Ստ. Մնացականյան. Հայկական ճարտարապետության Սյունիքի դպրոցը. Երևան, 1960, էջ 179—194 և ուրիշներ:

⁴⁹ Բարդեն վրդ., հոգվածաշարք՝ Մուշեն Պիթիզ. Բ—ԺԱ, «Բյուզանդիոն», 1900, № 1204. հմտ. «Բյուզանդիոն», 1907, № 3300 և Հ. Ոսկյան. Նշվ. աշխ., հ. Գ, էջ 896:

⁵⁰ Մ. Միրախորյան. Նկարագրական ուղևորություն ի հայաբնակ գավառս Արևելյան Տաճկաստանի. հ. Ա, Կ. Պոլիս, 1884, էջ 58. հմտ. Տրդատ եպիսկոպոս Պալյան. հոգվածաշարք՝ Հայ վանօրայք, Բ. ր., «Բյուզանդիոն», 1900, № 1001:

⁵¹ Առաքել Դավրիժեցի. Պատմութիւն. Վաղարշապատ, 1896, էջ 390:

Վանքի մասին առաջին հիշատակարանային տեղեկությունը դեռևս XV դարի առաջին կեսից է⁵²։ Փաստորեն դրությունն օրինաչափորեն այստեղ ևս կրկնվում է՝ ինչպես Վասպուրականի հուշարձանների գերակշռող մասի համար։ XV դարից սկսած մատենագրական հիշատակությունները հաճախակի են⁵³, որոնք ցույց են տալիս վանքի աշխույժ և կարևոր գրչության կենտրոն լինելը։ Վանքի տարեգրության կապակցությամբ կարևոր է, որ այն XVI դարի ավարտին հիմնովին վերաշինվում է. «Սա (Բարսեղ վարդապետը—Դ. Կ.) զամենայն շինուածն միահողոյն քակեաց և ինքն վերստին հիմնարկեալ շինեաց և կատարեաց զբովանդակն, զեկեղեցին և զտներն և զայլ որ ի նոսա»⁵⁴։ Մի այլ վերանորոգման և ընդարձակման մասին տեղեկություն հանդիպում է նաև XVII դարի 20—30-ական թ. «Զսոյն սուրբ վանքս մեծանուն ի հիմանէ նորա կերտեալ կրկին սրբատաշ, կրամած, խաչակառ կաթուղիկէիւ րախատես բնակարանիւք, աշակերտական գրովք... համալսարան երևելի...»⁵⁵։ Վանքը կողոպտվել և քանդվել է 1895—1896 թթ. և քարերը օգտագործվել են այլ շինությունների համար։

Ամլորդվո վանքի մասին պահպանված միակ նկարագրական տեղեկությունը վերաբերում է Հովհաննես Մկրտիչ եկեղեցուն։ Ըստ այդ տեղեկության այն արտաքինից 15×20 ճարտարապետական կանգուն (իմա՝ 8,2×10,2 մ) չափերով ուղղանկյուն, գմբեթավոր շենք է։ Փաստորեն, աղոթասրահը կենտրոնական չորս սյուներով և ութ որմնամուկներով եռանավ հորինվածք է, որտեղ կենտրոնական նավը կողայիններից ավելի լայն է։ Ներսույթը բոլոր ուղղություններով կամարակապ է և սլացիկ հարաբերությամբ, այսինքն՝ շենքի տարածական լուծումը վերծիգ է։ Պարզորոշ է, որ տանիքային լուծումը գմբեթի շուրջ խաչաձև դասավորությամբ երկթեք կտուրներից է կազմված, հետևաբար կառույցի անկյունային հատվածները լուծված են ավելի ցածր։ Տաճարը արևելյան կողմում եռախորան է։ Ընդ որում կողմնային խորանները բացվածքով ավելի նեղ են, քան կենտրոնականը։ Խորանների հյուսիսային և հարավային կողմերում տրված չորսական աստիճանների հիշատակությունը ցույց է տալիս, որ նույն չափով խորանային բնիք բարձր է եղել դահլիճից։ Խորանի առաջ գտնվել է դպրաց դասը եպիսկոպոսական գահի հետ միասին։ Նշելի է, որ խորանների հաղթակամարները և հատակագծային լուծումները ձգված կողերով կիսաշրջաններ են եղել⁵⁶։

Ամլորդվո Ս. Հովհաննես եկեղեցու առաստաղային լուծումը առանձին մասերի պարագծային ընդգծման սկզբունքով է, որտեղ արտաքինից ութանիստ և ներքուստ կորագծային գմբեթը, ինչպես հասկացվում է եղած հապճեպ նկարագրություններից, բնորոշվում է գոթական (իմա՝ ձգված) համաչափությամբ⁵⁷։ Եկեղեցին կառուցվել է Բաղեշի հուշարձանների հատուկ տեղական դարչնագույն քարից և ունեցել է համատարած զարդամշակում։ Պետք է կարծել, որ վերջինը Բաղեշի քաղաքային հուշարձանների ճարտարապետության բնորոշ ընդհանուր գիծն է, մասնավորապես որ մինչև օրս քաղաքի տարածքի զանազան շենքերում կան եկեղեցիներից խլված քանդակազարդ բեկորներ։ Դրանցով հարուստ են հատկապես Իհլասիյե մեդրեսեի (կրոնական դպրոց) և միջնաբերդի ստորոտի տարածքի շենքերը⁵⁸։

52 Դ. Փ ի ր զ ա լ ե մ յ ա ն. Նոտարք Հայոց, Կ. Պոլիս, էջ 177—178։

53 Տե՛ս Հ. Ո ս կ յ ա ն. Նշվ. աշխ., էջ 904—908։

54 Ա ռ ա ք ե լ Դ ա վ ր ի ժ ե ց ի, էջ 390։

55 Բ ա ր զ ե ն ծ. Վ. Կ յ ու լ է ս ե ր յ ա ն. Կոլոտ Հովհաննես պատրիարք. Վիեննա, 1904, էջ 142—144, 147։

56 Ամլորդվո Ս. Հովհաննեսի փաստագրական վերլուծության համար հիմնականում օգտագործվել է «Տեսարանք հայրենի աշխարհի»,—«Արծուի Վասպուրականի», Վարազ, 1864, էջ 67 (հեղինակը չի նշվում)։

57 Տե՛ս «Բյուզանդոն», 1901, № 1639։

58 Այդ կապակցությամբ տե՛ս A. Schone & A. Haghazarian. Photographical message 1972 published in „Monuments of Armenian architecture“, vol. 6, Mf 83.

Խնդրակատար ս. Աստվածածին վանքը «Բաղեշի երկրորդ անվանի վանքն է, կառուցված է քաղաքի հարավակողմը, Ամպ գյուղին դիմացը, ձորակի մը մեջ, շրջապատված գեղեցիկ և առողջ բնությամբ»⁵⁹:

Ավանդապատումը վանքը համարում է առաքելաշեն, որը, իմիջիպալոց, հերքվում է ուսումնասիրողների կողմից⁶⁰: Նշելի է, որ նման հաղորդումները պետք է նկատի առնվեն գրանցում եղած ճշմարտության հակվող իրողության մը: Վանքի վաղ հիմնադրությունը երբեք չի նշանակում նրա գլխավոր կառույցների թվարկություն, գուցե և հնագույն շենքերից որևէ բան պահպանված չլինի⁶¹: օրինակ Գլավավանքը, Աշտիշատը, Օղերդուտը, Աղբրկա և այլ վանքերը հիմնադրությամբ լուսավորչաշեն են, բայց նրանցից պահպանված վաղագույն շենքերը V—VII դդ. են: Միևնույն է դեպքը նաև խնդրո առարկա վանքի համար. հակառակ որ այն վաղ միջնադարյան հիմնադրություն է, նրա մասին ձեռագրային տվյալներով պահպանված վաղագույն հիշատակությունը XV դարից է⁶²: Հ. Ոսկյանը, հաշվի առնելով մատենագրական տվյալները, հակվում է խնդրակատար վանքի կառույցները թվագրել XIX դարից հետո⁶³: Վանքի տարեգրության կապակցությամբ կարևոր է, որ վանքը, ինչպես և քաղաքը ավերվել է 1504 թ. պարսիկ Սոֆիի կողմից, սակայն շուտափույթ վերականգնվել է և 1514 թ. Ներսես վարդապետը Թումաշանի ձեռքով կառուցել է տալիս վանքի պարիսպները⁶⁴: 1639 թ. գրված մի ուրիշ հիշատակարանի համաձայն՝ «շինեցաւ ի հիմանէ արքատաշ քարիւ ներքոյ. կմբէթաւոր և երկնանման և գեղեցիկ յօրինուածովք: Շրջապատ և բարձրաբերձ պարսպաւ և խցերօք»: Մի փոքր ավելի ուշ բարեկարգվում է նաև վանքի առուն⁶⁵: 1749 թ. կարևոր մի վերանորոգություն է ծավալում Նրեմիա եպիսկոպոսը: Նա վանքի «նախտված գավիթը կը նորոգե և ջաղացքին քամարները կը վերաշինե. անոր օրով Շերվանցիները վանքը կը թալանեն ու կավերեն, բայց բարեբախտորեն կարելի կըլլա ամեն բան վերահաստատել»⁶⁶: Նույն դարի երկրորդ կեսին Վարդան Բաղիշեցին «սնեալ ի նոյն վանքն և բաղում աշխատանք և երախտիւք ունի ի վերայ վանից, զխախտեալ և բեկեալ աւերս ի վանքն նորոգեաց, որ ոչ կարեմք գրովք արկանել, թէ դումբէթի սալերն, երես բացին և դգաւթի պարսպի սալերն նորոգեաց, ղտնեստան առանքն զվերին դարկահի տանիսն, փակահներն, բաղչի պարիսպն և այլ բազում աւերս շինեաց զաղբիւրն և այլ բազումս»⁶⁷: Վանքի վերջին նորոգությունները XIX դարի երկրորդ կեսից են, զանազան բարեկարգումների հետ համալիրի կազմում ավելանում են մի դպրոց և որբանոց⁶⁸:

Զանազան աղբյուրների տեղեկությունները համադրելով, ստացվում է, որ խնդրակատար ս. Աստվածածին վանքը բովանդակել է ուղղանկյուն պա-

59 Մ. Միրախոբյան. Նշվ. աշխ., հ. Ա, էջ 59. հմմտ. «Բիւղանդիոն», 1898, № 508 նաև «Հանդես Ամսօրյա», 1937, էջ 319 և այլն:

60 Այդ կապակցությամբ տե՛ս F. Macler. Notre-Dame de Billis «Բանասեր», 1905, № 10, էջ 295—296. հմմտ. Ն. Սարգիսյան. Նշվ. աշխ., էջ 241 և այլն:

61 հմմտ. Jean Mecierian. Histoire et Institutions de l'église Arménienne. Beyrouth. l'Institut de lettres orientales de Beyrouth, T. XXX, p. 18—43. A. Grabar. Martyrium, N. Y., 1953, p. 314—518. Ղ. Ալիշան. Արշալոյս քրիստոնեութեան Հայոց. Վենետիկ, 1920, էջ 190—226 և այլն:

62 Ղ. Փիրդալեմյան. Նօտարք Հայոց, էջ 188—189:

63 Հ. Ոսկյան. Նշվ. աշխ., էջ 928—930:

64 Հ. Թոփճյան. Ցուցակ հայերեն ձեռագրաց Խ. Դադյան վարդապետի. Վաղարշապատ, 1895, էջ 99:

65 «Բանասեր», 1905, էջ 296 301:

66 Նույն տեղում, էջ 297:

67 Նույն տեղում, էջ 301:

68 «Բիւղանդիոն», 1900, № 1150 հմմտ. «Արարատ», 1898, էջ 299:

որսպապատերի արևելյան պարագծին հարող գավիթն ու տաճարը, պարբ-
պապատերի մեջ համատեղված վանական խցեր և այլ օժանդակ՝ տնտեսա-
կան նշանակության դանդաղ սենյակներ, աղբյուր և ջրաղաց, Դ. Ինճիճյա-
նի տվյալներով, խնդրակատար ս. Աստվածածինը Բաղեշի վանքերից ամե-
նաբնդարձակն է եղել⁶⁹:

Մեզ հասած նկարագրական նյութերը հիմնականում վերաբերում են
վանքի զիխավոր Ս. Աստվածածնա եկեղեցուն: Այն արտաքինից 48×34 ոտ-
նաչափ (իմա՝ 16×11.4 մ) երկարություններով ուղղանկյունի է, բարձրու-
թյունը՝ 26 ոտնաչափ ($= 9$ մ)⁷⁰: Փաստորեն, շենքը կենտրոնական չորս սյու-
ներով գմբեթավոր բազիլիկ է, պարագծային հարաբերությունը՝ $1:1,3$, Դաճ-
լիճը եռանավ և եռասրահ է: Հաշվի առնելով շենքի երկայնական առանցքով
խորանային մասի զբաղեցրած մոտ 4 մ հատվածը, ստացվում է, որ դաճլիճը
համարյա 9 մ կողմով քառակուսի է, որտեղ սովորաբար կենտրոնական
նավի լայնության հարաբերությունը կողայիններին՝ ուղիղ համեմատական է
արտաքին պարագծի երկարությունների հարաբերությանը: Հետևաբար,
խնդրակատար ս. Աստվածածնի հորինվածքային համակարգը նման է Տարոն-
վասպուրականում և հատկապես Նախիջևանում տարածում գտած գմբեթա-
վոր բազիլիկներին, ինչպես Շատախի Ս. Հովհաննեսը, Ապարանքի ավերակ
եկեղեցին, Բասուր, Կիզվակը և այլն: Նշված զուգահեռների նման խնդրակա-
տար ս. Աստվածածին եկեղեցին ևս եղել է եռախորան: Ի տարբերություն
Բաղեշի մյուս հուշարձանների, որոնք մեծ մասամբ կղմինդրապատ տանի-
քով են, խնդրակատար ս. Աստվածածինը ծածկված է եղել սրբատաշ քարե
սալներով⁷¹: Եկեղեցու մուտքային հատվածում տեղադրվել է յոթ սյունանի
և ութանիստ վեղարով դարպաս-դանգակատուն: Հուշարձանի ճակատներում
եղել են բազմաթիվ խաչքարեր:

Գոմոց Ս Աստվածածին կամ Տառակաբեակ վանք (նկ. 3, Ա) գտնը-
վել է Բաղեշից 2 կմ հյուսիս-արևմուտք, համանուն գյուղի հյուսիս-արևելյան
կողմում, խոսքով կամ խոցերով գետի աջ ափին: Ավանդապատումը վանքը
համարում է առաքելաշեն: Նրա մասին առաջին մատենագրական տեղեկու-
թյունը XV դարից է: Գլխավոր տաճարը մուտքի վրա ունի 1681 թ. արձա-
նագրություն, մինչդեռ տախտակյա փեղկի վրա հանդիպում է 1587 թ.: Հա-
մաձայն նշված արձանագրության, եկեղեցու վերաշինումը կատարվել է
խարխլման հետևանքով, երբ փուլ են եկել վանական խցերը և ծվզնկա ան-
վանված արտաքին պարսպի աշտարակը: Այդ կապակցությամբ վիժազիր
արձանագրությունում հաղորդվում է. «Երեսնի և հիման է վանքս կամարա-
կապ և հաստատեցի. վերաշինեցաւ սր. Աստվածածնի եկեղեցիքս ի հիման է
սրբատաշ վիմօք չորեքանկեան»: 1889 թ. Տառակավանքում բացվում է նաև
դպրոց⁷²: Այսօր վանքի տեղում մնում են Ս. Աստվածածնա եկեղեցու ավե-
րակները⁷³:

Ջանազան հեղինակների հաղորդած տեղեկությունների համադրման հի-
ման վրա Գոմոց Ս. Աստվածածինը կաղմված է եղել պարսպապատերով
պարփակված ուղղանկյուն տարածության կենտրոնական մասերում արևելք-
արևմուտք առանցքով տեղադրված գավիթ-տաճար հորինվածքից, մատու-
ռից, եկեղեցու մուտքային մասում տեղադրված դարպաս-դանգակատնից,
8—10 հատ երկհարկ վանքապատկան խցերից, գոմերից և այլ օժանդակ վա-
նական շինություններից: Վերջինների մասին Կյուլեսերյանը գրում է. «Գո-
մոց վանքի մյուս շենքերը, թեև երկհարկանի, սակայն այնքան աչքի զար-
նոք բաներ չեն և եկեղեցվուն հետ ստեպ-ստեպ հաճախ նորոգություն տե-

69 Դ. Ինճիճյան, Աշխարհագրութիւն..., հ. Ա, էջ 174:

70 Հմմտ. «Արժուի վասպուրականի», 1864, էջ 196:

71 Դ. Ինճիճյան, Աշխարհագրութիւն... հ. Ա., էջ 174:

72 Սանատրուկ Գոմբասյան, Պիթիւս, — «Փուլն», 1896, № 2492:

73 S. L. J. M. Thierry. Monasteres Arménienne du Vaspurakan, IX, Revue des
études Armeniennes, NS, 1977, p. 195—198; T. A. Sinclair. Op. cit., p. 307.

սաժա⁷⁴։ Վանական շենքերի կազմում ավելացել է վերջին հաբեբում կառուցված առաջնորդարանի շենքը։

Դրանից Աստվածածնա եկեղեցու շափերը հայտնի չեն։ Գոյություն ունեցող տեղեկություններում նշվում է, որ այն արտաքինից ուղղանկյուն մեծաչափ շենք է եղել։ Եկեղեցին կենտրոնում չորս սյուներով, ութ որմնա-



Նկ. 3

մույթերով, արևելյան մի զույգ երկհարկ ավանդատներով զմբեթավոր բազիլիկ տիպի կառույց է եղել⁷⁵։ Փաստորեն, եկեղեցին իր բոլոր տվյալներով համեմատական է վերևում փաստագրված խնդրակատար ս. Աստվածածնի և նրա զուգահեռների հետ։

Ավեր կամ Ավերա՞ Ս. Աստվածածնա վանքը համաձայն ավանդապատման հիմնադրվել է Թադեոս առաքյալի կողմից, դրա համար կոչվել է նաև

⁷⁴ «Բիւզանդիոն», 1900, № 1148. հմտ. «Արևելք», 1887, № 985 և 1189. և այլն։

⁷⁵ ՏՃՍ Դ. Կ եր տ մ ե ն շ յ ա ն. Տատրակավանք.—Հայկական հանրագիտարան, հ. 11, Երևան, 1985, էջ 603։

Ս. Թադեի վանքը, Կարծիք կա, որ Ս. Թադեն և Ավեր Ս. Աստվածածինը երկու իրարամերձ վանքեր են եղել, ինչպես Ամրորովո և Անանիայի վանքերը: 2. Ոսկյանն ու Հ. Տաշյանը հակված են այն կարծիքին, որ Ս. Թադեն վանքի հնագույն մատուռն է եղել, իսկ Ս. Աստվածածինը՝ զլխավոր եկեղեցին, ինչը թվում է իրականությանը ավելի մոտ⁷⁶: Համալիրի կազմում եղել են նաև մենախցեր, ախոռներ և այլ օժանդակ սենյակներ: Ավեր կամ Ավեխ վանքը, ինչպես անունն է ցույց տալիս, համանուն թաղամասի կամ արվարձանի նվիրական սրբավայրն էր: Այն գտնվել է Բաղեշի հարավ-արևելյան կողմում, դարպասամերձ համանուն հրապարակից հարավ՝ քաղաքի համապատասխան ծալրամասում:

Ավեր վանքի մասին ձեռագրային առաջին տեղեկությունը XV դարից է⁷⁷: Ավելի ուշ հիշատակությունները բազմաթիվ են: Վանքը XV—XVII դդ. մի քանի անգամ վերանորոգվել է, իսկ 1915 թ. Մեծ եղեռնին ավերվել և կողոպտվել է⁷⁸: Տեղում այժմ ավերակ վիճակում գոյություն ունի նուհիյե մեղրեսե անվանված համալիրը, որտեղ, Թ. Սինկլերի հաղորդմամբ, քանդակազարդ, հին ինչ-որ շենքում գործում է քաղաքի ոստիկանատունը. մի փոքր հեռու պահպանվել են հյուսիսից հարավ երկարող սենյակների շարքը, դպար արևելք և արևմուտք առանցքային տեղադրությամբ երկու գումբեթներ (տաճար-դամբարան) և հյուսիս-արևմտյան անկյունում կիսաքանդ մնում են շքամուտքի ավերակները⁷⁹: Փաստորեն, Բաղեշի հայ բնակչության բոնի տեղահանությունից հետո վանքը վերածվել է մահմեդական կրոնական դպրոցի, իսկ առաջնորդարանային շենքը՝ ոստիկանատան: Համեմատելով մատենագրական տեղեկությունները Սինկլերի վերոհիշյալ նկարագրության հետ, եզրահանգել կարելի է, որ արտաքինից ուղղանկյունի, գմբեթավոր Ս. Աստվածածնա զլխավոր եկեղեցին վանքի կազմում տեղադրված է եղել շքամուտքից հարավ՝ արևելյան պարսպապատի կենտրոնական հատվածներում:

Բաղեշ քաղաքի և նրա հուշարձանների կատարված փաստագրական վերլուծությունը ցույց է տալիս.

1) ճանապարհորդական տեղեկություններով Բաղեշ քաղաքից հասել են տասնհինգ եկեղեցական հուշարձաններ: Դրանցից ոչ մեկը չափազանց նյութեր չունենալով հանդերձ, մասնագիտական ուսումնասիրության համար նյութ են տալիս (վերևում ըստ հնարավորին փաստագրված) ութ ներքոհիշյալ հուշարձանները՝ ա- Կարմրակ Ս. Նշանը փոքր գմբեթավոր տիպի եկեղեցի է, որի տարոն-վասպուրականյան նշելի զուգահեռներից են Շատախի Ս. Տիկնա եկեղեցու մատուռը, նույնպես Շատախի մերձակա Կաճետ գյուղի Ս. Գևորգը, Մշո Առաքելոց վանքի Ս. Թադեոսը, Խլաթի մերձակա Մատնավանքի կամ Մատրավանքի փոքր եկեղեցին, Արտազի Ծործորի վանքի Ս. Գեվորգը, Ջուղայի Տավարածի կամ Հովվի եկեղեցին, Ռշտունիքի Բելու գյուղի Ս. Հայրապետը, Հոգյաց վանքի Ս. Աստվածածինը, Վերին Վարազա վանքի Ս. Աստվածածինը և այլն:

բ- Մզկիթի վերածված մայր տաճարը եռանավ բազիլիկ տիպի եկեղեցի է. նրա նշելի զուգահեռներից են Վանի Ս. Սիոնը և Հայկավանքի Ս. Աստվածածինը, Ոստանի մայր տաճարը: Այս տիպի բոլոր տարոն-վասպուրականյան օրինակները մեղ հասել են մատենագրական տեղեկություններով (բացի Հայկավանքի ներսույթի մի նկարից) և այժմ գոյություն չունեն: Համահայկական բազիլիկ տիպի տաճարների զուգահեռները (Ապարանի, Եղվարդի, Երերուլքի, Աղցի, Աշտարակի Միրանավոր, Միծեռնավանքը, Քասաղը և այլն) գերակշռությամբ վաղ միջնադարից են:

գ- Ամրորովո վանքի Ս. Հովհաննես Մկրտիչը, Խնդրակատար, Գոմոց և Ավեխու վանքերի Ս. Աստվածածին զլխավոր եկեղեցիները գմբեթավոր բա-

76 Հ. Ոսկյան, նշվ. աշխ., էջ 915:

77 Գ. Սրուանձադյանց. Թորոս Աղբար, հ. Բ, Կ. Պոլիս, 1884, էջ 426:

78 Հ. Ոսկյան, նշվ. աշխ., էջ 914—918:

79 T. A. Sinclair. Op. cit., p. 306.

դիրիկ տիպի հորինվածքներ են: Դրանց տարոն-վասպուրականյան զուգահեռները նշելի են՝ Ապարանքի մեծ, Բաստի, Կիզվակի, Շատախի Ս. Հովհաննես, Մանագլերտի Ս. Աստվածածին և Ս. Գևորգ, Ագուլիսի և Նախիջևանյան բազմաթիվ եկեղեցիները: Գմբեթավոր բազիլիկների համահայկական զուգահեռները բազմաթիվ են միջնադարի բոլոր ժամանակաշրջաններին:

դ- Հինդ խորանը բաղամասորան տիպի տաճար է, որ դեռևս տարոն-վասպուրականյան զուգահեռներ չունի: Համահայկական զուգահեռները գերակշռությամբ դարգացած միջնադարից են (Բագարան, Կարսի շրջանի Գոգուրա Ս. Գևորգ, Կարինի շրջանի Բանակի փոքր եկեղեցին, Անիի Աբուղամ-րենց և միջնաբերդի եկեղեցիները, Բագնայրի փոքր եկեղեցին, Անիի Կուսանացը և այլն):

ե- Ս. Կզեմեսը Ս. Սիմեոնը (որոշ վերապահությամբ) երկհարկ դամբարան տիպի եկեղեցիներ են, որ դեռևս տարոն-վասպուրականյան հայկական զուգահեռներ չունեն, իսկ հուշարձանի համահայկական զուգահեռները մեծ մասամբ **XII—XIV** դդ. են: Հնարավոր է նաև, որ Ս. Կզեմեսն ու Ս. Սիմեոնը զուգ եկեղեցիներից կազմված հորինվածք լինեն, ինչպես Վանա Ս. Պողոս-Պետրոսը, Ս. Սահակ-Ստեփանոսը, Սորա Ս. Քրիստափորը և այլն:

2) Ուշագրավ է, որ վերևում նշված Բաղեշի տասնհինգ հուշարձաններից վեցը Ամլորդվո վանքի շրջապատից են: Ավեր հրապարակից, Ամլորդվո թաղամասով մինչև Գոմոցը եղել են տասից ավելի մզկիթի վերածված հայկական եկեղեցիներ: Ուստի ստացվում է, որ Բաղեշի քաղաքային հուշարձանների թիվը **2—3** տասնյակ էր: Նշված փաստը ցույց է տալիս՝ նախ, թե որսան եկեղեցի կարող էր լինել զարգացած միջնադարյան Բաղեշում ընդհանրապես, երբ նրա բնակչությունը համարյա ամբողջությամբ հայատարր էր, և երկրորդ՝ թե ինչպիսի կենտրոնական և կարևոր նշանակություն է ունեցել Ամլորդվո թաղը և վերջապես Ամլորդվո վանքը քաղաքի կյանքում:

3) Դատելով Բաղեշի կառուցապատման զարգացման ընթացքից, բերդատակում եղած հուշարձանները (մայր տաճարը և Կարմրակ ս. Նշանը) կարելի է թվագրել վաղ միջնադարով: Քաղաքի Ամլորդվո վանքից բացի մնացած վանքերը գտնվել են արվարձանային թաղամասերի ծայրամասերում: Փաստորեն դրանք եղել են քաղաքամերձ վանական հաստատություններ դեռևս միջնադարյան ժամանակներից, ինչպիսին հանդիսացել են Անիի Կուսանացը, Վանի Հայնկույսները, Հայկավանքը և այլն: Քաղաքային վեց վանքերով և երկու առաջնորդարանով Բաղեշը եզակի օրինակ է հայկական քաղաքաշինության մեջ: Եթե վանում և Մուշում եկեղեցական համալիրների ընդարձակումները կատարվել են զուգ եկեղեցիների կամ գավիթ-տաճարների հորինվածքով, Բաղեշում համայնքային մրցակցության հետևանքով ստեղծվել են վանական հաստատություններ իրենց բոլոր բաղկացուցիչ տարրերով:

4) Բաղեշի եկեղեցական շենքերի ճարտարապետության կապակցությամբ հետաքրքիր է Հ. Լինչի հետևյալ արտահայտությունը. «Բաղեշում և նրա արվարձաններում գտնվող եկեղեցական և վանական հաստատությունները բնորոշվում են որպես արտաքինից ուղղանկյուն պարագծով՝ քարաշեն և ամուր շինություններ: Շենքերի ճակատներին և ներսույթներին բնորոշ են հայկական ճարտարապետության հատկանիշները: Այսինքն՝ բարձրակարգ աճի գմբեթ, հենված կենտրոնական չորս սյուների վրա բոլորովոր հարակից չորս կամարներին: Դահլիճի արևելյան կողմում է շրջանաձև խորանով և այլ պարագաներով բեմը: Քաղաքի հուշարձաններին առանձնահատուկ են գմբեթաձևների, սյուների և որմնամուկների խոյակների ու այլ մակերեսների արաբական ոճ հիշեցնող զարդամշակումները⁸⁰... ինձ համար չպարզաբանված մնաց տվյալ հուշարձանների տարիքը: Դիտողը Բաղեշի շենքերում կներկատի ընտանեկան մի զորավոր կապ և նմանություն, որը մասամբ արդյունք

⁸⁰ Հ. Լինչի բառապաշարում արաբական պետք է հասկանալ միջինարևելյան:

է նաև գրանցում եղած արևելյան տարրերի առկայության...»⁸¹։ Փաստորեն Հ. Լինչի հաղորդումը վերաբերում է միայն Բաղեշի վանական եկեղեցիներին։ Հարկ է նշել, որ Բաղեշը տարոն-վասպուրականյան մշուս քաղաքների համեմատությամբ ուշագրավ է իր քաղաքային եկեղեցիների հորինվածքային աիպերի բաղադրանությամբ։

Թեև Բաղեշի եկեղեցիների ճակատների և աարածական լուծումների մասին անդեկությունները սուղ են, սակայն հասած նյութերով իսկ կարելի է ընդթագրել նրանց գունագեղ, վերձիգ հարգարված լինելու հանգամանքը։ Բաղեշի եկեղեցիները, պահպանելով տարոն-վասպուրականյան համաչափական կարգը՝ իլաթի, ինուսի, Սիրոնքի և Մանաղկերտի հետ մոտենում են Բարձր Հայքի տաճարային տիպերին և Հայաստանի Արևելից կողմանց գրմբեթային համակարգերին։ Բաղեշի աաճարների դարգամշակումը, համեմատելի լինելով հանդերձ Մակարավանքի, Գանձասարի, Բարձրաքաղ ս. Գրիգորի, Գոշավանքի և այլ հուշարձանների հետ, բարձրաքանգակների թեմատիկ բաժանվածությամբ ղուգահեռ են Աղթամարին, Բալուի մայր աաճարին, Մանաղկերտի Նրբե խորանին և այլն։

ГОРОД БАГЕШ И ЕГО ЦЕРКВИ

Д. Г. КЕРТМЕНДЖЯН

Резюме

В исследованиях, посвященных церковному зодчеству Западной Армении, преимущественно представлены монастыри и церкви, находящиеся за пределами городов. Городские церкви, несмотря на наличие данных по ним, изучены недостаточно. С целью восполнения этого пробела в статье представлена градостроительная характеристика одного из городов Западной Армении—Багеша, классификация его церковных памятников, дислокация которых тесно связывается с планировочной структурой города.

⁸¹ Н. Р. В. Lynch. Op. cit., p. 143—146